

醍醐天皇事記

史料六十九

卅一下

消印				和書門
四〇九	一九三	九三	九三	類
冊	架	函	號	

和書  
史  
三六  
號甲

庫文閣内				和書
四一八	四〇九	九三	九三	類
冊	架	函	號	
(五七才)				

内閣文庫			
番號	和	93	
冊數	409	(75)	
函號	141	131	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



史記卷之六十九

魏明帝天監元年九月三十一日

十月十日

御請聖勅日

和漢合符六進表五

御請聖勅日

和漢合符六進表五

御請

史料卷之六十九

醍醐天皇事記第三十一下

起延長五年十月  
月盡十二月

十月小 己卯朔

青鼓膏日

庚寅臨時仁王經御讀經事

文庫

桑略記云十月十二日庚寅臨時仁王經

御讀經初日

按和漢合符  
為七月恐誤

和漢合符云延長五年

丁亥七月轉仁王經于

宮中

和學講談所

文庫

狐遺矢南殿鷺集中殿庭事

扶桑略記云卯時見狐遺矢於南殿御帷內御障子下其日午時鷺集清涼殿東庭當供膳御座南殿其占甚凶也

十三日辛卯大星飛事

扶桑略記云十三日寅時大星頭四五尺尾數十丈指南西行或云起南行或云起南殿西弓庭殿或云起小野栗栖野

六十九之一

清涼殿有人聲事

又云此日旬間清涼殿御座邊軒聞有人聲云二

依不調備伊雜宮祭料停志摩守氏胤整務事  
神宮雜事記云延長五年九月伊雜宮御祭料志摩國例進之幣帛并御調種二御贄等依例為令調備太神宮祓宜大小內人物忌及當宮內人物忌相共引率神戶神民進向

志摩國府爰國司氏胤申云件御贄等須任  
例備進也而以昨夜氏胤妻產畢仍不堪  
備進也者祿宜等勘云國守所陳不當也御  
祭之勤既式日有限又國司之勤恒例事也  
何召仰廳官人等無其用意哉無止供祭物  
闕怠之咎尤有國司者即注子細進於司仍  
宮司定臣等上奏公家即以同年十月十三  
日被下宣旨狀云應令志摩守氏胤被清調

備也者使中臣神祇權大祐大中臣賴基卜  
部節行等到著於離宮院召取守氏胤任宣  
旨科上被被清令調進件御贄幣絹一疋干  
鯛五斤荷前  
身取鮑五斤鯉魚五斤干鱒五斤鹽五斤滑  
海藻五斤海松五斤和布五斤雜腊五斤雜  
膳部信乃布二反等也等即氏胤停止釐  
務之由被下宣旨了

十九日丁酉依頻有怪異修孔雀經法事

東寺長者補任云觀宿十月十九日變廿口

僧於承香殿行孔雀經法依頻有物怪所行  
廿二日庚子令以律宗僧補任下野國藥師寺講  
師大宰府觀音寺講讀師事

政事要略云太政官符治部省應以律宗僧  
補任下野國藥師寺講師并大宰府觀音寺  
講讀師事右嘉祥元年十一月三日格俛下  
野國解俛件寺天武天皇所建立也坂東十  
國得度者咸萃此寺受戒今尋建立之由與

大宰府觀音寺一揆也而只有別當無講師  
令國講師勾當雜事求諸故實未觀所由請  
准彼觀音寺簡擇戒壇十師之中知行具足  
為衆所推者充任件職便為授戒之阿闍梨  
者右大臣良房宣奉勅講師依請任之但讀師臨  
時次第充用彼寺僧別當職從停止者而年  
來之間件講讀師只階業之人還忘格條  
之意既非其宗何授戒律左大臣忠平宣仰下所

司自今以後須令戒壇和尚羯磨教授三色  
僧薦舉本師中智行兼備之者綱所加覆審  
補任兩寺講師但觀音寺讀師寺擇小十師  
同以補之者省宜承知依宣行之符到奉行  
右大辨藤原朝臣邦基左大史阿刀宿祢忠行延長五  
年十月廿二日

廿六日

甲辰

供養崇福寺彌勒像事

日本紀略云十月廿六日甲辰供養崇福寺

彌勒新像設法會准御齊會行之是日也風  
和日暖天樂聽御殿上光耀照天紫雲涌出

按僧綱補任  
為七年非

扶桑略記云廿六日甲辰供養崇福寺晚鐘  
之後天樂聽空開眼之間光輝照天法會之  
初紫雲涌上見者聞者歎而又異會中之衆  
隨喜讚嘆故老比丘垂淚發心權律師延傲  
為導師大僧都增利為咒願已上供  
養記

東大寺講堂供養事

又云同日供養東大寺講堂或記云請僧千  
人講師經賀任大僧都讀師長海任小僧都  
咒願觀賀任權僧正三禮觀宿任大僧都唄  
會理散華寬印已上二人任小僧都堂達安  
靈任權律師按經賀以下皆非以今日  
任官其後官至於此耳  
東大寺要錄云承平五年五月六日講堂供  
養請僧千人万僧供九寺僧專寺興福寺元

興寺大安寺藥師寺西大寺法隆寺天王寺  
延曆寺定者八人禪嚴靜藏真修勝源玄念  
源雲晴基檀海衲百廿人甲百廿人梵音百  
廿人錫杖百廿人贊衆百人七僧講師經賀  
少僧都任權大讀師長海律師任少咒願觀  
賀權大僧都任權唄會理律師任少散華寬  
印律師任少堂達安靈任律別當貞勝律師  
任少僧都○按本書所言與略記事同而年  
月異然貞勝以延長八年卒則本書之誤可



知仍  
係此

西大寺塔燒亡事

日本紀略云此日西大寺五層塔有火

廿八日丙午天台座主尊意奉為東宮誓大願事

護持僧記云延長元年六月廿九日內供奉

十禪師尊意依勅奉為中宮御產七箇日修

不動法七月廿四日皇子降誕朱雀天皇是也同五

年十月廿八日奉為皇太子寶祚長久誓卅

種大願等訖云二

高僧傳要文抄云尊意贈僧正傳云延長五

年為奉祈寶祚謹奉仰旨誓立十種御願則

修補一萬佛像一萬塔婆等御願也

是月訖言事

扶桑略記云是月訖言甚多或云故大宰管

帥靈夜到舊宅語息大和守兼茂雜事云朝

廷應有大事其事應起大和國汝須好慎行

其事自餘事甚多云二但他人不得聞之彼

朝臣秘不他語矣已上出式部卿  
重明親王記

十一月大戊申朔

十一日戊午僧正增命入滅事

日本紀略云十一月十一日前天台座主增

命卒年八十五

歷代皇紀云天台座主增命和尚延長元年

五月卅日任權僧正即為法務元大  
僧都三年三

六十九之七

月廿三日轉正五年十一月十一日卒八十  
五

號千光院僧正此後當代不被成僧正

天台座主記云第十增命和尚千手院僧正  
諡號靜觀

治山十六年外從五位上桑内宿祢安峯子

智證門徒西塔院主延寂入室康濟座主弟

子顯宗智證大師受灌頂天安二年月日受戒

座主慈覺延喜六年丙寅十月十七日任座主六年

十四癸卯同十年庚午三月十五日叙法橋同年

八月廿八日法皇幸和尚山房受五瓶灌頂  
天皇聞食之遣勅使授法眼和尚位按八月廿八日  
當作九月廿五日同十五年乙亥十一月廿二日任少  
僧都天下庖瘡主上不豫和上同十六年丙子  
四月五日任大僧都同十九年己卯七月五日  
天皇請座主法眼和尚位增命受學法花經  
般若心經金剛般若經八月三日御經事畢  
復召和尚問一乘之義尋法花之大綱良久

六十九之八

而賜以御衣退出御前之後陣頭宿房遣左  
近中将藤原兼輔朝臣賜以度者十人絹麻  
法服各一襲從僧料絹廿匹綿百屯云二同  
廿一年辛巳八月上表辭座主職九月七日返  
給其表勅云古今例所不有也云二和尚重  
又上表又如前返賜表狀同廿二年壬午五月  
十五日第三度辭表同廿六日聽許延長元  
年五月卅日任權僧正壬午八年三月廿

三日轉僧正同年八月九日兼法務同五年  
十一月十一日入滅年八十五同年十二月廿七  
日賜靜觀謚號今日智證大師號同賜之沙  
門智祐奏云二  
往生極樂記云延曆寺座主僧正增命左大  
史桑內安岑子也父母無兒祈生和尚天性  
慈仁少無兒戲夢有梵僧來摩頂曰汝莫退  
菩提心如<sub>レ</sub>此數矣受戒之後未曾卧寢就智

證大師受三部大法和尚不<sub>レ</sub>分尊卑有客來  
必迎送之叡岳嶺上秀岩如<sub>レ</sub>舌相向塔智德  
僧多以夭亡古老曰岩妖也和尚聞之望岩  
歎息三日祈念一朝雷電岩悉破碎其殞片  
石今在路傍太上法皇為師受迴心戒戒壇  
之上現紫金光見者隨喜若有病者食和尚  
鉢飯其所苦患莫不痊愈和尚俄有微病洒  
掃一室告門弟子曰人生有限本尊導我汝

等不可近居今夜金光忽照紫雲自聳音樂  
遍空香氣滿室和尚禮拜西方念彌陀佛燒  
香倚几如眠氣止歛葬之間煙中有芳氣天  
子遣使勞問賜謚靜觀矣  
扶桑略記云十一月十一日僧正增命入滅  
春秋八十五先是同月四日俄有微病告弟  
子院主仁昭曰我前病時夢有端正比丘以  
三重白疊授吾是則本尊延三月命也汝等

宜知往生時云二

按已下文略同  
往生記仍略之

元亨釋書云釋增命京兆人朝散大夫桑安  
峯之子也額有奇理齊衡二年登叡山師延  
寂三年降勅八宗選苗秀之者于時山田春  
興才智博洽亦蘊風鑑之術承詔行諸寺見  
驅烏少學之者春興者命驚曰聖主降旨為  
道擇人適得此子實豫章之才也已而登試  
席姿音安暢文義渙放縑素稱之時年十四

經二歲受戒於東大寺又及台嶺稟大戒仁  
和元年從圓玕座主得三部灌頂延喜二年  
秋齋宮公主<sup>柔子</sup>有病詔無動寺相應祈念十日  
無効更召命持誦公主疾愈十三年三月右  
僕射源光薨年六十八僕射昔年夢一人告  
曰汝以五十九為命限須修延年法覺後請  
命修觀自在軌僕射夢有男子長五寸許以  
羽覆面語曰我能留欲逝之人我是施無畏

者也汝知乎施無畏者叡山座主增命也汝  
命已延六年因此僕射語人曰命公者觀音  
之應化也六年後僕射又令命修前法源公  
又夢比丘告曰汝壽復加三年至此源公薨  
皆如其夢十五年秋天下疱瘡上又患之詔  
命入宮宣曰頭痛身熱殆不可忍也命合眼  
持念聖躬安泰延長元年管靈奮激宮城擾  
動春三月太子<sup>保明</sup>俄薨上大恐詔命陪宮中凡

百餘日侍臣多夢神兵列宮闈三年上患瘧  
勅命加持上疾即愈時堪譽法師亦在宮白  
日見鬼下殿去初延喜二年長公主忠子迎命於  
六條院出家受戒又受灌頂五年四月寬平  
上皇幸叡山受密灌于命十一月於摠持院  
受蘇悉地法十年九月幸千光院受阿闍梨  
位上皇手以唐衲袈裟香爐數珠并御衣授  
之初延喜六年為座主延長元年為僧正管

法務台徒法務命為始延長五年十一月十  
一日滅年八十五智證之追謚命之遺奏也  
十二月勅謚靜觀

明匠略傳靜觀僧正傳云終日讀法花經夜  
則宵誦梵網典于時跏座倚壁恍忽如眠夢  
有大堂高座數列身處高座有一梵僧自稱  
釋迦而阿羅漢衆前後圍繞僧即為廣說菩  
薩戒學即知得戒之相仁和皇帝昔有本宮

甚好和上于時京師能書成林帝不用之更  
請和上令書一切經外題其經于今在於月  
梵院

高僧傳要文抄云靜觀僧正傳云元慶年中  
同門僧聖蓮夢有一僧長一丈許僕從四人  
皆戴緋冒著班衣狀甚可畏僧招聖蓮問曰  
何處來耶僧答曰我自龍宮來聖蓮問曰何  
事來耶答曰有一寶珠欲以與增命禪師因

之來耳即見其珠在綾袋裏聖蓮夢中招和  
上令謁僧僧即以珠授和上而去聖蓮覺畢  
汗洽毛豎矣仁和元年有勅備內供奉時年  
四十三太政大臣基經花山僧遍昭正共奏曰天下之  
僧耆宿如林何以下臘之僧猥蒙拔擢哉帝  
曰非是凡流朕熟知其德行而已

僧官補任寶幢院檢校條云增命大法師元  
慶六年正月一日補院主仁和元年補內供



奉寬平九年補阿闍梨仁和四年五月廿二日任之寬平六年西塔念佛始行之延喜六年十月十七日任天台座主其後昇僧綱智證弟子靜觀僧正是也治十二年又園城寺長吏條云增命僧正昌泰二任治廿一年延喜廿三還任治四年叡岳要記云常行堂安置阿彌陀像寬平五年靜觀僧正顯祚大德建立同七年始念佛

六十九之十四

廣隆寺來由記云鎮守三十八所醍醐天皇延喜年中大別當增命以三十七所護法神之繪像安置一社永為鎮守鳥羽院御宇加河勝秦大夫小德位  
大花上  
宇治拾遺物語云今いむし延喜の西村早魁  
とらりもろと六十人の名僧と名つて大般若  
經を傳へたりと云ふなり其の僧ももろと名つたり  
なりと云ふなりと云ふなりと云ふなりと云ふなり

此の如くは、晴海よりて日法よりて、  
を御門内よりて、大長よりて、  
一事よりて、  
知りて、  
さう、  
に、  
誓の、  
さう、


法、  
正、  
南、  
あ、  
新、  
く、  
あ、  
あ、  
あ、  
あ、

上座部の南殿よりなるを長安上人の寺地蔵より  
 たらして又より上座部の西家の名福門より  
 其のくぐりのこくくをたけりてに其のまむらぬ  
 大衆にまむらぬをきりて就其のまむらぬし電光火  
 石世界よりなる車輪のまむらぬなるありて  
 天下忽にいふやをを穀を饒よりて新木  
 菓といふもふはなる人歸伏をたよりてなる  
 ありて帝を長なるはたけりて信於よりなる

又云昔山の御僧より住より住ありて静観  
 僧とてしるるなるを源くする持陀羅尼とよむ  
 すくみてありてなるなるよりなるなる  
 人もいふくたうなるなるなる持陀仙人とや  
 仙人を成じては信のうへをなるなるは随縁  
 居のなるなるなるなるなるなるなるなる  
 持陀女僧とてやとてなるなるなるなるなる  
 まの故のなるなるなるなるなるなるなるなる

此をよとるはけりその後施羅尼の亦と取て  
すのりゆなりとけりしも其のたげあけし積  
せしまはれの花入て前よ取ぬやうし積  
物徳しつて下をゆりかんとてまはるる人  
衆にをよとて取たりけりしは香爐の好  
とらくし燃やせんとし積ひしは僧正香爐  
取ちしはゆよとたすふくその烟よゆりて  
そへのゆりにけりしは僧正の年とるて香爐と

さあまそくさうげをそとけおのりす  
この仙人をそとけいふかありし  
をころひして先よとるは  
おのりけるにのくしてまのりたるけり  
清河の道とておのりしは  
やあふか



按又見今昔物語

四大寺傳記云醍醐天皇御時增命僧正法  
華講談之砌至十如是初陽勝壽救之兩仙

人顯見真如院庭松之事具見百光房證禪

記

二十日丁卯新嘗祭事

日本紀略云廿日丁卯於神祇官行新嘗會

廿一日戊辰新嘗會事

政事要略云吏部記云延長五年十一月廿

一日新嘗會雨降有勅以左近府平張令張

大歌座而府唯儲陣料一條取遣之間雨止

六十九之十八

即有勅分歌者之半移宜陽殿令歌繼而即

移座同殿而暫止之間左近平張持來改歌

者座不動張設上移諸大夫座春興安福殿

今夜左大臣令行酒酒正利茂便挑燈彈正

親王及余重明有故兵部卿親王克明之喪准依會日

即著吉服唯彈正親王服无文冠白下

西宮抄云延長五年十一月廿一日散位治

方不向任所解任宜預節會給位祿宣旨

廿六日

癸酉

令諸國墾開廢田事

政事要略承平元年官符云太政官去延長五年十一月廿六日下諸國符偁戶婚律云凡部内田疇荒蕪者以十分論一分答卅一分加一等罪止徒一年國郡各以官長為首佐職為從者大同四年九月廿七日格偁案考課令云國郡司勸課田農能使豐殖者准見地為十分論加二分進考一等每二分進

六十九之十九

一等注云謂熟田之外別能墾發其有不加勸課以致損減者損一分降考一等者又勸課田農加六分則進考三等亦居上中仁壽二年三月十三日格偁右大臣良房宣奉勅洪範八政食居第一然則王政之要生民之本唯在務農頃年諸國所申之不堪佃田其數居多是由國郡官司不勤地利不重民命非所以選擇良吏委付黎元宜仰下諸道令曉此

情國郡司等親自巡觀修固池堰催勸耕農  
力者褒而錄之懈者督而趣之即有地不耕  
雖有其主而無力營者速以救急義倉等廩  
給之若有不足量貸營料勤令耕時莫使空  
費秋收之日先納所貸或有其田無人可治  
者宜以公力營種其所獲者全納官倉如此  
者則廢田自開實廩可期者今檢案內田畝  
荒蕪明立懲肅之法勸農之議詳、勸誘之

旨國宰須令慎法條能加勸誡而不催東作  
之勤頻申南畝之荒頃年之間諸國言上不  
堪佃田其數倍多此則不使民以時妨棄、  
勤之所致也吏之不良專乖朝選不悛舊弊  
何期積實左大臣宣奉勅勸誡之旨條例已  
存宜令重加下知依件勤行仍須前司之時  
言上之數後任之吏必以開增又當任之間  
每年墾加付帳言上勸誘有方多為開發既

勤、功特加獎進若不勤墾開猶致荒廢假  
有他功不令加褒推者諸國承知依宣行之  
不得緩怠者全文在承平元年十二月

十二月大

戊寅朔

七日甲賜綿布等於故僧正增命門徒事

高僧傳要文抄云靜觀僧正傳云十二月七  
日勅使内匠頭源仲宣朝臣登到舊房勞問  
弟子賜以綿一百屯信濃布一百端米五十

六十九之廿一

斛門人等依太上皇仰即參詣内裏令謝奏  
悲喜之由太上皇頻賜什物以慰弟子

十日丁亥穢中奏御體御卜事

北山抄御體御卜條云延長五年十二月記  
云依大内穢付内侍所内侍代奏後出南殿  
給件奏上卿還著陣座仰外記依例令行云  
云

十五日壬辰伊勢例幣并祈年穀事



西宮記裏書云延長五年十二月十五日貞  
公御記云行幸八省有伊勢幣使事九月例  
幣依度二穢延引今日行又有年穀他幣等

二十日 丁酉 御佛名事

政事要略御佛名條引吏部王記云延長五

年十二月廿日上謂侍臣曰舊例初夜早始

早終中夜曉始早終終夜終始俱曉

廿六日 癸卯 左大臣忠平等奏延喜式事

六十九之廿二

一代要記云延長五年丁亥十二月二十六

日奏延喜式 按日本紀略東寺長者補任為十一月拾芥抄為延喜十五年

本書延喜五年亦繫此事皆誤也

延喜式表云臣忠平等言竊以天覆地載聖

帝則之育民陰慘陽舒明王象之馭俗雖則

朴盡雕至馳騫之迹古今不同然而立法垂

規勸誡之道夷隆一致嵯峨太上天皇化周

天壤澤覃淵泉制格式之明文貽簡冊於昆

季六典詳其綱紀百寮無所依違斯固納軌  
之楷模經國之准的者也貞觀先帝清和繼受寶  
命誕膺洪基救百王之澆醜導萬民於富壽  
憲章所以疊矩凡例由其重規暨乎年代稍  
遐質文迭起莫不變通之道南北分歧號令  
之流淺深別派皇帝陛下道四三皇德六五  
帝灑甘雨以遍普天之澤扇淳風而拂率土  
之塵重賞輕刑雲鷹之翮忘鷲省徭薄賦野

庶之群不驚然猶恐惠化未周頑民陷法遂  
降冲旨彌繕隄防增損往策之科條裨補前  
作之殘缺臣等謹奉綸命忽履薄冰於是搜  
古典於周室擇舊儀於漢家取摘弘仁貞觀  
之弛張曰修永徽開元之沿革勒成二部名  
曰延喜格式但格十二卷筆削早成往年奏  
御式五十卷撰集纔畢今日上聞臣等識非  
老彭勤在祖述聊窺其腠理寧達彼膏肓伏

願洪慈由降照鑒特垂允容謹詣闕拜表以  
聞臣忠平等誠惶誠恐頓首頓首謹言延長  
五年十二月廿六日外從五位下行左大史  
臣阿刀宿祢忠行從五位上行勘解由次官  
兼大外記紀伊權伴臣伴宿祢久永從四位  
上行神祇伯臣大中臣朝臣安則大納言正  
三位兼行民部卿臣藤原朝臣清貫左大臣  
正二位兼行左近衛大將皇太子傅臣藤原

六十九之廿四

朝臣忠平  
又序云蓋聞蒼精黃神之聖觀人文以化天  
下伊川媯水之靈則乾象而垂法度故百官  
以理自有高枕之君萬民以治乃見擊壤之  
叟弘仁聖主德照龜圖化隆鳥運君唱臣和  
風雲之契斯得上安下樂魚水之符克諧爰  
降綸言作諸司式四十卷所謂國之權衡民  
之嚮策者也貞觀天朝亦降睿旨商權古今

撰式廿卷新舊兩存本枝相待然猶後式收  
錄事多漏略今上陛下體元履正御斗提衡  
以為貞觀十二年以來炎涼已久文案差積  
加以前後之式章條既同卷軸斯異諸司觸  
事檢閱多歧目茲延喜五年秋八月詔左大  
臣從二位兼行左近衛大將藤原朝臣時平  
遣從三位守大納言兼行右近衛大將春宮  
大夫陸奧出羽按察使藤原朝臣定國中納

言從三位兼行民部卿藤原朝臣有穗參議  
大藏卿正四位下兼行播磨權守平朝臣惟  
範參議左大弁從四位上兼行讚岐權守紀  
朝臣長谷雄從四位下行式部大輔兼春宮  
亮備前守藤原朝臣菅根從四位下行文章  
博士兼備中權守三善朝臣清行民部大輔  
正五位下兼行勘解由次官但馬守大藏朝  
臣善行權左少弁正五位下兼行勘解由次

官藤原朝臣道明從五位上行神祇大副臣  
大中臣朝臣安則從五位下行大内記兼周  
防介三統宿禰理平外從五位下行明法博  
士惟宗朝臣善經等准據開元永徽式例併  
省兩式削成一部撰定未畢之間公卿大夫  
頻年薨卒仍同十二年春二月勅從三位守  
大納言兼右近衛大將行春宮大夫臣藤原  
朝臣忠平從四位下守右大弁兼勘解由長

官橘朝臣澄清等共隨先業促其裁成至延  
長三年秋八月重遣大納言正三位兼行民  
部卿臣藤原朝臣清貫與前奉詔者大中臣  
朝臣安則及從五位上行勘解由次官兼大  
外記臣伴宿祢久永外從五位下行左大史  
臣阿刀宿禰忠行等同催撰緝責其成功爰  
蒙明制參詳斟酌符案於官曹據文記於  
臺閣究本尋源編新隸舊至如祭祀宴饗之

禮朝會蕃客之儀大小流例內外常典事存  
儀式不更載斯我后留情庶官屬想衆務論  
王道之興衰驗時俗之厚薄屈大陽之洪暉  
照高問於螢爝枉溟渤之巨浪酌下言於牛  
涔有利於人可舉行者有害於物可革去者  
悉以制置垂範來裔凡起弘仁舊式至延喜  
新定前後綴叙筆削甫就摠編五十卷號曰  
延喜式庶使百川之流皆歸於海万目之紀

俱理於綱<sup>中</sup>臣等勤非簡要道謝<sup>下</sup>清通雖猥銜  
慈綸陶淳風於甲<sup>上</sup>令然恐慙嚴制到肅霜於  
秋官謹序

令諸國調庸撰精好合期進納事<sup>下</sup>

政事要略云太政官符七道諸國司應令調  
庸精好兼合期進納事右大同二年十二月  
廿九日格傳厩庫律云應輸課稅及入官之  
物而巧偽濫惡者計所闕准盜論主司知情

與同罪賊盜律云竊盜一尺杖六十一端加  
一等五端徒一年五端加一等三十端遠流  
是麤惡之罪也戶婚律云輸課稅之物違期  
不充者以十分論一分笞卅一分加一等國  
郡皆以長官為首佐職節級連坐注云全違  
期不入者徒二年是未進之罪也被右大臣  
宣偁奉勅貢調違期輸物濫惡法有恒科理  
合遵行而國郡怠慢不憚憲章仍承前立格

六十九之廿八

數施嚴制主典已上差充專當如有違闕解  
任決罰使無返抄不預釐務相代奉使同奪  
公廨而國郡官司曾不改悛空設條章何能  
懲肅加以使不畢事偏不預釐務傍官有故  
誰可從政自今以後宜改前格一依律條更  
莫寬宥者式云凡貢調使者物與帳同領入  
京不得先後零疊者今檢案內調庸之物進  
納有期麤惡之罪法條不輕國郡官司須令

備精好合期參進而多過其期使人不參空  
送年月乃貢無備日茲調網郡司進退任意  
調物廉惡逐日彌倍或以甲年之物稱乙年  
之料或闕納官之數成顧私之計積習之漸  
多致公損左大臣宣奉勅調庸廉惡法條既  
存若有致違失須任法科責然而事有權變  
沿革隨時罰不在重法貴必行仍須調庸雜  
物撰備精好將令進納所司勘申之日若有

廉惡之色隨其數之多少定功過褒貶又違  
期之罪朝章炳焉宜令加下知依式勤行之  
若無心慎悛猶致乖違依法科處不曾宥寬  
者諸國宜承知依宣行之符到奉行延長五  
年十二月廿六日

按本書天曆元年宣  
旨引此符作十三日

廿七日

甲辰

賜故少僧都圓珍謚號事

日本紀略云十二月廿七日勅贈故天台座  
主少僧都圓珍法印大和尚位謚曰智證大



師也計略國及老明大味尚山益日會益  
圓珍和尚傳末云和尚寬平三年辛亥遷化  
從厥以降至于延長五年都慮三十七箇年  
此五年十二月廿七日聖主勅賜贈位諡號  
爾後公私舉稱智證大師其文如左天台座  
主少僧都法眼和尚位圓珍右可贈法印大  
和尚位號智證大師勅慈雲秀嶺仰則彌高  
法水清流酌之寧盡故天台座主少僧都圓

六十九之世

珍戒珠無塵慧炬有照渡大瀛而求法騁異  
域而尋師濟物為宗泛舟楫於苦海利他在  
意加芥斤於稠林是以蒙霧斂其翳昧朗月  
增其光明遺烈永傳餘芳遠播追憶志節足  
以褒崇宜贈法印大和尚位諡號智證大師  
可依前件主者施行延長五年十二月廿七  
日三品行中務卿敦實親王宣從四位上行  
中務大輔源朝臣國淵奉從五位下行中務

少輔源朝臣興平行奉勅如右牒到奉行延  
長五年十二月廿七日參議從四位下行治  
部卿兼讚岐守當幹治部大輔闕參議正四  
位下行左大辨兼讚岐權守悅告法印大和  
尚位智證大師奉勅如右符到奉行治部少  
輔從五位下公彥大錄闕少錄茂倫少錄直  
幹延長五年十二月廿七日下午民部大輔藤  
原博文作○  
按又見杖  
桑略記

六十九之世一

北山抄謚號條云弘法大師禪觀僧正時勅  
書無主者施行之文依不下所司於智證大  
師時有此文依有贈位歟入唐人有大師號  
其外不然

古事談云智證大師謚號事僉議ノ間主上  
御夢ニ別名不可被求大通智證十レハ智  
證卜付ヘキ也卜云ニ

東寺要集云延長五年十二月廿七日故天

台座主少僧都法眼和尚位圓珍謚號智證  
大師勅使少納言藤俊房同日故僧正增命  
謚號靜觀僧正已上依沙門智祐申狀也又按

見元亨釋書  
天台座主記

### 賜故僧正增命謚號事

日本紀略云故僧正增命謚曰靜觀僧正明按

匠略傳為十七日蓋傳寫之誤也  
天台座主記僧官補任同本書

扶桑略記云增命僧正同日賜謚號勅使少

納言藤原朝臣俊綱其詞云勅故僧正增命  
阿闍利佛日受景法雨甘膏借權化之浮生  
傳正教之勝躅疊忍辱而代鎧塵勞之賊遠  
離製慈悲以為衣寒暑之變不犯斯固禪林  
之英華福田之秀實者也况朕接其音辭得  
聞微旨悼青眼之永隔憶素心而難忘將崇  
舊典之飾以加常樂之遊宜謚號靜觀僧正  
帝王編年記云十一月十一日增命和尚薄

疾而逝同廿七日賜謚號靜觀因茲靜觀之

師圓珍同賜大師號智證大師是也宣命道

風書之按廿七日上當補十二月三字

廿九日丙午內舍人宮道陳平候陽成院間准見

仕給上日事

類聚符宣抄云內舍人宮道陳平右左大臣

宣奉勅件人身侍陽成院宜准見仕令給上

日者延長五年十二月廿九日大外記伴宿

六十九之世三

禰久永奉丙午宣命五年十一月廿九日

叡山僧智祐等上賀表事

圓珍和尚傳末云延曆寺沙門智祐等伏奉

昨日勅命先師贈法印和尚之崇班賜智證

大師之追謚感生空谷歡動滿山故大師遙

涉滄溟深求白法不遺寫瓶之水能挑傳燈

之光至其歸身日域弘道天梯實智之門高

開秘密之雲遍覆而茶毗遠過不改名號於

仁山蘭德長存幾觸忌諱於法苑是則門弟子等常所慷慨也爰飛龍之使問影堂而徘徊彩鳳之書加光寵而追贈凡在緇侶誰不悲喜遺法弟子不耐戴恩之至謹詣闕抗表陳謝以聞沙門智祐等誠惶誠恐謹言延長五年十二月廿九日

大學頭大江維時作

是年康子內親王初謁事  
新儀式云內親王年七八歲有初謁事先定

六十九之世四

吉日時時刻皇上着御御座親王進出當御座於東廂肅拜退更召給祿

白褂一重延長五年康子親王

之時件祿納御匣也中宮職給男女房饗

令僧貞崇候禁中事

扶桑略記云天慶六年七月五日少僧都貞宗上表云右貞宗去昌泰二年謝東寺廿僧依有本願籠金峰山之邊結構一新草堂三十餘年更絕出山之思一生之間欲遂卧雲

之志而延長五年頻蒙恩詔俄候禁闈按宗  
宜作

崇

僧勢祐任園城寺長吏事

僧官補任園城寺長吏條云勢祐延長五任

治廿四年



史料卷之六十九

紀惟新書

六十九之世五

